

讀史雜詠

乾

津田文庫

文庫 1

1692

1



讀書雜詠二卷
并附錄一卷

水府

青山延壽李卿著

田中氏

慶應二年
歲次丙寅
六月五日
書坊玉巖
書堂鏤版

讀史雜咏序

余少時耽讀史傳。至明主碩輔遭逢之際。則如在其廷而聞其都俞之聲。至於良將偉人忠烈孝貞之事。則如接其人而承其馨歎。或時夢寐見之。及杖劍遊關西。聞某原有某帝陵。某野有某人墓。某像某碑在某地。某祠則跋履山川。披荆棘踐蒿萊以訪之。其問長篠也。探甲將斷碣。剝苔檢字。導夫訝之曰。君得無甲士之遺胤乎。何其搜索之詳也。其癖古如此。但性不文。尤短

言史雜言
於詩賦。每弔陳蹟。尋遺址。拜陵墓。謁神像。懷古
之情。填于胷。而風雅之調。不暢乎辭。常以為恨。
今讀青山李卿讀史雜咏。凡曩昔所經歷之東
海。東山。五畿。山陽。南海之古蹟舊址。哲王英弼
賢將之頌。卓行竒操。俊乂之贊。皆見於詞章。大
率予之所欲言而不能者。筆到意隨。何翅麻姑
搔痒。據其附錄。自注。李卿本欲訪賢哲英豪之
陳跡。謁其祠觀其碑。以有所題咏。而羈於官束
於法。而不能遂其志。故就史咏懷。以成是卷。如



此則其情懷適與予同。而其能不能則有相反
者也。昔人有好游湖山。欲摸真。而五指拳曲。不
能秉毫者。其友有足跣而巧描山水者。乃口授
指畫。囑之以寫已所觀。皆如其意。乃相得以娛
焉。予之於李卿。殆乎有類于此。及其請叙。欣然
題之。

慶應紀元乙丑九月

昌平學儒負鹽谷世弘序



石齋高豐珪書



Blank space for text, containing faint bleed-through from the reverse side of the page.

題辭



詩有詠史。蓋始於漢晉。今讀其詩。皆有所寄託。非專詠古人也。專詠古人者。始於唐。唐人胡曾有詠史詩二卷。余嘗怪其詩殊無精彩。不類唐人。何以能流傳至今。豈其用心之苦。有不可得而磨滅者邪。李卿頃以讀史雜詠示余。余不知其工拙如何。然史學先人餘業。李卿用

力不為無由。而又著之篇翰。以備遺忘。亦不為無益。夫胡曾唐人也。然專詠古人。至百餘篇。則不類唐人。勢使然也。今李卿又踐其轍。何以能工。然至其用心之苦。則未必減胡曾。又安知其不傳於後世哉。

安政丁巳人日

愚兄延光題



男延年謹書

讀史雜詠卷上

一在文庫

水府 青山延壽 李卿著

五瀨皇子

皇子彦波瀲武鸕鷀草葺不合尊長子。神武帝兄偕征長髓彦中流矢還薨於紀伊因葬竈山。神聖猶未起擾擾大八洲。皇孫降自天區域漸肇脩遐方與幽裔猶未被。帝麻說說諸神孫丕承宣大猷一征清紫海再征定備州百勝非謀善養銳兵暫休潛伏已三歲一舉方遏劉長髓爾何者不倒。戈順投想見五瀨王督戰一何道皇天未悔禍蹉躑



藤里東湖曰
崇崇山拜
神武陵詩有
白此何無
培二坏事殊
而感同

長寇讎王沒猶有弟王志豈不酬王弟實神武再舉
復王仇寰宇翕清廓烝黎咸歌謳雖由王弟聖焉知
非王謀况王尤尊長勇猛才亦優臨死猶慷慨撫劍
凜清秋吁嗟草昧日大功疇能傳綿綿三千歲於今
仰冕旒竈山知何處無人薦庶羞

豐城皇子

皇子崇神帝長子帝命皇子治東國景行
朝以王孫彥狹島王為東山道都督道薨東人傷
王不來竊取其屍以歸葬焉蓋東人追思先王之
德也而古史缺略其績無所考可惜也

1692-1

曾聞怨毒甚墓木猶發掘誰知盛德後死猶愛其骨
乃孫猶愛戴乃祖知何如乃祖實賢王節旄鎮東隅
撫字樹嘉政誠孚及豚魚蚩蚩魚肉民一一被煦噓
皇化及遐方王功真卓絕欲贊王大勲難奈墳籍缺
後來小碓王一征靖東陸雖由皇子武先鞭非王誰
餘慶及孫子孫子皆英哲一孫定蝦夷一孫靖胡羯
世世濟其美無乃王餘烈景行朝御諸別王定蝦夷
之亂應神朝荒田別伐
定新羅皆王
四世之孫也

稚郎皇子

皇子應神帝少子立為太子帝崩讓位於皇

兄皇兄不聽相讓三歲知皇兄志不可奪自殺
太子明獻姿前聖合符契妙年師真儒夙窺天人際
叢爾高句麗知我疆難當表辭故嫚言欲欺我木強
我邦有神人豈受汝譎張片言凜生風貢使驚且惶
聖衷常有眷東闈正儲位兄賢臣欲避恐傷慈聖意
隱默不敢發一朝展高羨弟讓兄亦辭此座誰復蒞
操守何爾烈一劍誓宿志嘗讀南朝紀不覺淚沾襟
苟能師王意翠華緣何南一念私大寶神州亦陸
沈

磐坂市邊押磐皇子

皇子履中帝長子及正允恭二帝皆履中
之弟也安康帝允恭之子於皇子為從弟安
康嘗欲讓位皇子蓋以其嫡嗣也肩輪之變雄
略帝又以允恭子履位忌皇子而殺之皇子之
死有仲子殉之有使主父子奉其孤皇子之賢可
知矣終之二王子皆昇天位天道福善蓋昭昭焉
王是真皇嗣宜照臨萬邦偶遭世逆遭顛沛罹禍袂
宗英誰若王帳下皆忠良使主奉二孤殉難有仲郎
豈弟神所佑後嗣果熾昌藐諸兩稚子昇平二天
皇

舍人親王

王 天武帝子，文武朝奉敕修日本書紀。

雅宮置國史，川島撰。帝紀邈矣二千歲，終皆歸亡。

是纔存太子，撰全勝金匱書，古風稍可徵，體裁猶或。

粗，後來舍人王，健筆主記載，雖有浮誇弊，終是垂百。

代，太祖躬皇業，殺伐我武揚，崇神敷國本，景。

行營四方，皇后實雄武，神威振絕海，胎皇修文德。

仁德亦繼，美偉哉，群聖迄苟無，王討刪千有餘年。

間幾為鴻荒，看靖難，負直筆，婉微為君父，闕紀君莫。

尤猶有朝廷語，紀書紀以天武紀直繼天智

樓園云顯微
闡幽讀史者
宜如此

桓武諸皇子

三皇子，平城嵯峨淳和三帝也，葛原親王。

萬多親王，賀陽親王，葛井親王，良岑安世。

遍照安世子也，賀陽王子亦有忠貞王。

延曆千歲主，孫子皆鸞鳳，振振三皇子，九天徐翱翔。

譜學推萬多，射技稱葛王，賀陽富巧思，遍照妙詞章。

良岑與葛原，皆是萬夫望，餘王亦落落，誰非一時良。

維城屬宗子，長仰天業昌。

忠貞王

忠貞，桓武帝之孫，容貌甚醜，志尚高遠，清和。

朝歷任諸州建學教民風聲大著

皇孫出能吏實是宗臣模吏治崇儒雅心勞為催租
鄉校勸生徒德化遍一隅到處人額手欣見使君旗
子羽貌雖醜邵伯政又殊忠貞非王誰王名本不虛
廢太子恒貞

太子 淳和帝第二子幼岐嶷能讀經史 仁明
帝受禪立為皇太子後以讒廢

山嶽鍾秀氣列宿讓光彩令德夙升聞青闈奉甘旨
臨學舉墜典袒割實尚齒預期太平象侗日明天子
青蠅何紛紛一朝逢飛毀從容處危地泰然甘廢徒

藤公託椒房輔佐焉用彼王寃猶不雪鄴侯知徒爾
太子之變藤原良房奏之
文德帝嘗期良房以蕭何

重明親王

王 醍醐帝第四子好學有才名性至孝 帝之
崩哀慕不已心喪三年

吁嗟殷宗後諒闇誰接武漢唐千年間晉齊才二主
猶誇文明國尊大稱中土 神州開國日捷伐振威
武中世資文教郁郁仰九序維王宗室長真是國藩
垣遠追殷宗軌哀慕感蒼旻百世聞王風可教薄夫
敦賦性較豪爽稍招時人喧大本已如此瑣瑣何須

前中書王 後中書王

兼明親王 醍醐帝子 圓融朝為左大臣以讒
退營莊小倉又為所沮作菟裘賦以寓懷世稱中
書王 具平親王 村上帝第七子能文工和歌
兼通陰陽醫卜諸藝世呼為後中書王又稱六條
宮

王風稍不競直道鬱難伸彼狂負門閥跋扈而冠
奪我公孤位不許首丘槃扶桑忽有影浮雲蔽清暎
叢蘭秀幽谷秋風破芬芬吾讀菟裘賦古今同一嘆

卓矣六條王文采雕鳳鸞同出 天潢派交主風騷
壇美哉兩中書高躅誰亦攀

以仁王

王 後白河帝第二子惡平氏專與源賴政起兵
不克賴政族賴朝奉王令旨終滅平氏

一劍定劇賊神勇推碓王間關扶 王業接武有護
良悠悠二千年纔見兩皇子王雖非其倫志氣或一
軌慷慨事不就普天推主盟白旗何悠揚實藉王威
令誰道旭將愚其美安可壞敷奏是正論萬古日星
挂子兼仲嘗稱王功欲立王
子以為主事不行

護良親王

王 後醍醐帝第三子，帝誅高時，王謀居多，日本武尊以後，勞王事者，唯有王，死非其罪，天下寃之。皇室遘陽九，黑氣纏京畿，臣主同奔蕩，中原豺虎馳。維王實天縱，英略蓋九圍，叱咤驅羆兒，風雲從指麾。檣槍倏滅迹，日月耀旆旗，老幼擁道周，爭仰盛朝儀。神器終有守，鐘簾亦不移，區宇再造功，誰爭皇子才。輿望實所愜，主豈更有誰，我皇耽鴆毒，禍水是龍。黎咫尺為萬里，剝肝無由辭，精誠感天地，白日潛光輝，痛哉帝狼窟，萬死如遺老，賊曾寒膽，一身繫安。

忍廬云沒羽之技射潮之力所云吹蕭擊筑之音清夜讀之萬山俱紫者

危 皇室終偏安，沉寃伸無時，志士堪慟哭，長失中興梲。

後醍醐帝諸皇子

後村上及皇太子恒良成良親王，寵姬藤原氏出也。尊良親王，宗良親王，懷良親王。

芝蘭生宮庭，實是邦家瑞，天步方艱難，出受蕃宣寄。維 帝與嗣王，賢掩中宮伎，宗良與懷良，各當方面。帥懷良最後出，始終執大義，尊良出嫡長，壯烈真絕類。况又護良功，堪比碓王懿，可憐諸王賢，誰非廊廟器。大本苟不振，崎嶇何攸遂，後先迭喋血，不拯帝。

業隆

野見公宿禰

垂仁皇后之崩，帝使羣臣議葬儀，公奏以土偶為殉，先是，帝禁殉死，至是以公議為定制。

古人重恩義，一飯尚致死，况是君恩重，棄生我所喜，不然，神聖世安有用殉理，其原非不善，其弊終散，我皇心不寧，咨諏逮與臣，維時野見公，出意一何仁，是土搏為馬，是土搏為人，凡百器無玩，累累隧道陳，生人長不用，誰為黃鳥戚，君臣共濟美，千歲仰至德，嗚呼大賢後，予知不聞寂，果然管相公，崛起佐

衣職中塗，遇蹉躓，後嗣愈滋，殞鎖鑰，主北門於今，冠侯國。

田道間守

垂仁朝遣至常世國求香菓及還，帝已崩，間守至伏見陵，慟哭而卒。

一鷓凌鯨濤，奉使常世邦，常邦知何處，萬里望汪洋，飄蕩幾歲月，喜見神僊鄉，仙鄉何所有，四時菓常香，非棗又非桃，其味如瓊漿，一嚼長不老，何須練丹方，持還獻我君，事往空渺茫，鼎湖拜遺弓，慟絕泣彼蒼，君看晁秘監，留學何所受，寄語好秀才，曾讀我史

東湖曰餘波
翻他發貶來

蓋季卿得意處

否

橘媛

日本武皇子東征至相模海上遇風船將覆沒媛白曰海神為崇妾請以身贖之言訖投海死

皇子東征日大旆至海坭東望水彎環如鳥奮雙翅王曰咄小湏前洲躍可至風姨忽鼓鞭波濤洶騰沸王舟歛斂揚翩如秋葉墜中軍貔虎士勇銳何所施維王有淑媛此時又陪侍肅拜前致言海神實為崇妾身不足惜一死代君累低頭言未畢投身一何驚至誠動天地陽侯已逃避水天共一色千里澄瀾翠

楓灣云一氣渾成自饒風致婦人四句好議論結末

勒住有力

婦人在軍中由來損兵氣何料纖纖手却辦此大事皇子凱旋日回望揮涕淚至今吾孀語猶呼八州地

大臣武内公

大臣事 五主執大柄在官二百四十四年不詳其年壽

總角圖畫上曾識武内公鬚眉欺霜雪蒼顏含和容壯歲閱史策初悉大臣功公生分 天派少年已豪雄奉命窮遠地方見規模隆慎恪輔聖后廟勝決大策萬艘衝風濤一舉靖絕域付托奉稚乳韜略定及仄定命伴伊霍訂謨隣禹稷一心佐 五主歷年過

讀史雜記

卷上

八

二百、鞠躬盡臣義、卓爾仰盛德、暮年幾不免、進退實艱虞、主聖臣且忠、具錦爾、招辜始知盛名、下古來真難居、

真根子

應神帝信讒遣使殺武內公、時真根代公而死、衆煦尚漂山、積羽猶沈、船何況萋斐語、近出同胞親、岌岌武大臣、命輕秋毫顛、倘無真根子、焉能得生還、善哉真根子、一死事兩全、上掩聖主、類下脫忠臣、冤嗚呼真根子、一死重太山、

荒田別 阿部比羅夫

荒田別 應神朝討新羅、定其餘七國而還、比

羅夫 齊明朝為越國守、擊蝦夷肅慎克之、

神后撻伐後 皇化被馱舌、新羅特負強、凌弱逞狡譎、荒公受 帝命奮伐入帟穴、渠酋已泥首、小國爭上謁、矯矯越太守、北門擁麾鉞、蝦夷與肅慎、自古事侵軼、太守展壯猶、孤軍張殺伐、一征定北塞、再征及遐絕、膺懲仗二將、海外實有截、一靖海西虜、一夷塞北孽、相距四百年、後先爭輝烈、王威振絕海、四夷咸來賓、雖由王家盛、亦繇鷹揚臣、想像食肉相應、侔帟頭人、

阿直岐 王仁

阿直岐百濟王子通經典應神朝來朝帝嘗問汝國有賢於汝者乎曰有王仁者乃徵王仁王仁來朝獻論語雜郎皇子實從而受學

萬里開洙風大東揭朗日二子著先鞭其功誰能匹我邦本有道古來尚質實實非不美光輝未充溢取彼以為善亦是仁之術先皇實知此此故招其逸阿直亦誠臣坦然無妒嫉俊秀推王仁精理益詳悉聖經無津涯先講洙泗訣一傳至皇子讓德並日月後來吉大臣舉世推贊述贊述果何事空傳唐文

忍虛云立論得體

樓園云老奸遺罵最快入意

物

田道

仁德朝伐新羅有功已而伐蝦夷不利死之田道妻聞之慟哭而卒

航海討不庭堅壁養精銳擣虛致奇勝實因公大計一戰狃奇勝或招莫敖怵東伐終不利千慮致一躓閨秀亦濟美貞烈激千世好使澆漓俗更知重伉儷的戶田宿禰

仁德朝高麗貢鐵的公射而洞之麗人大驚後奉使責新羅闕貢羅人懼奉命蓋亦一箭之威也

蠢茲小狡虜，其情懷輕侮。鐵的充上貢，敢欲試我武。
 大庭引虜使，鷓鴣簇廊廡。清風灑珠簾，紅日耀殿宇。
 決拾推的公，臨場何容與。一發已如破，鐵的飲白羽。
 虜人破心膽，天顏帶春煦。莫道一箭微，折衝在樽俎。

縣守

仁德時吉備，中國川島河。有巨蚪，行旅被害，縣守
 入水斬蚪，悉斷其種類。河水為赤。
 皇化被四表，萬姓浴聖治。况是近畿地，焉得育魃魍。
 洋洋川島水，盤渦多分歧。老蚪為窟宅，卵育種其兒。

行路被毒蠱，人人為長嘯。時無良守令，誰投告蚪辭。
 縣守知何人，勇悍如熊羆。聞之髮指天，撫劍立河湄。
 老蚪亦怖膽，竄避知何之。白日澹無光，緩流寒不漪。
 單身入其窟，醜類無復遺。河水赤三日，宛覺紅雲垂。
 其勞實難滅，賞典何參差。願是史闢文，空遺壯士規。

難波日香蚊

日香蚊事大草香皇子。安康帝信讒，殺皇子。日
 香蚊傷王，無罪不勝悲憤，自刎死。其二子亦從死。
 雄略帝即位，求其後，賜姓大草香吉士。
 讒人交罔極，竟蔽我皇明。微臣可奈何，悲傷割五

情君父寧可雙一死表臣誠死則共其苦生便同其榮吾爺已如此兒何肯求生歸死甘如薺一門忠孝并英主表高節長傳吉士名

佐伯部賣輪

仲子一名

賣輪事押磐皇子雄畧帝殺皇子賣輪抱屍呼號帝併殺之顯宗朝改葬皇子賣輪與皇子同坎不可辨別即作雙陵葬儀如一仁賢朝以賣輪後為佐伯造

仲子亦誠臣操同難波節於波表臣義此便遭慘烈事均出一帝刑賞何爾別天道本昭昭忠臣豈湮

沒幽埋曾幾日崇封及泉窟遺墳擬帝陵墳樹鬱蒼勃看波僧道鏡狐媚竊王號一朝桑田變竈極有誰吊

日下部使主

使主事押磐皇子蚊野之變使主與其子吾田彥奉王之二子竄伏已而恐誅自縊蓋使主之意以為吾事皇子日已久人之所知吾而不死恐并害王子故自經以絕其蹤耳吾田彥始終奉王子固執臣節是亦可以為一證也

天步多艱難吾王罹憂虞帳下皆禽奔何人護龍雖

國友善庵曰
眼光錯故紙
敬服

老臣為之前吾兒為之後爺是為程嬰兒便是杵臼一家出二士成就真 天皇天皇實明睿舊勞豈敢忘優渥禮老嫗旌表及朽骨田彥知何在其功真難沒

巴提便

欽明朝巴提便使於百濟雪夜其兒為帛所取巴提便行認帛蹤竟刺帛殺之

長程紅日沈晚投海濱驛朔風吹密雪霏霏入窗隙呼兒兒不應斑斑見帛跡中情鬱如焦瞋怒皆欲裂行時攜兒至去時止兒還此恨倘不報何顏復見人

縱橫認帛跡終慰止兒瞋 神州自古昔風氣尚勇決臣非輕 皇命恐辱武夫節

物部公尾輿

欽明朝百濟獻佛像 帝欲禮之公奏國家恒敬事天地社稷今拜蕃神恐非 神明之意

皇風稍不振異教始顯赫爾來一千年士庶多陷溺賢如小松公不免佞佛癖清如西行師猶來悖倫責况彼蚩蚩者奔波何足適蕩蕩 神聖道一髮引鈞石何人撐橫流須要霹靂力偉哉物部公謹議闢邪辟已在千載上預知百世瘡伽藍付一炬鬼教頓剪

關惜哉兒子麤機事誤密畫一身猶不有爭拯此道
厄

調伊公儼

欽明朝將軍河邊瓊在伐新羅輕進失利全軍皆
降伊公儼獨奮罵死之其子舅子亦抱父而死
主將失戎律旌旗低不翻慷慨獨不屈始知國士尊
咄爾新羅王忘我再造恩汝肉不可食汝幸敗我體
我寧為羨鬼不為校虜臣兒子亦孝烈不醜阿爺門
區區雞林王今日何須論羞殺河將軍不及使君賢

上毛野形名妻

舒明朝形名討蝦夷不利為賊所圍其妻親佩劍
出戰令婢妾鳴弦以助其勢賊遂散走

蝦夷負險遠魚休抗 皇命主將總軍律遐征過暴
橫豨突無成算三軍咸奔迸孤旅遇重圍主將鬱憂
柄朔雲滿寒空顏陽失輝映鼓角凍無聲貂帟罷不
競何料閨中秀脫悅洗粧靚慷慨一何壯揮桴新號
令士卒起裹瘡爭先衝堅勁苦戰得大勝竟能定梟
獍為國護吾夫非為求金印歸來拋弓刀笑對菱花
鏡

大伴部博麻

忍廬曰古樂府遺調

博麻筑紫軍丁也。齊明帝百濟之役為唐兵所虜。在唐幾三十年。輸忠奉朝。持統朝得歸。大白失光芒。我兵皆奔軼。博麻獨何人。志氣貫金鐵。為國致其身。中夜肝肺熱。奴虜三十年。千辛為誰說。往時髮如漆。還來鬢似絲。唯有一心丹。炯炯涅不緇。

道公首名

文武朝為筑後守。攝肥後事。勸勵生業。教督耕種。又興陂池。以廣灌溉。人蒙其利。及卒。百姓祠之。彼亦人之子。疇不辨妍媸。本為饑寒切。竟作無賴兒。道公古良吏。為之設良規。孜孜務教督。指畫剖毫釐。

邱隴細麥秀。金穎正離離。汚邪藝粳稻。秧露含涼颺。瓜瓠蔓經畦。雞豚亦得時。溉灌無天旱。汪汪水為陂。勞侔教民稷。功勝治水圭。治化洽二州。政聲垂百禩。遺廟無由問。隔在天一涯。

文部路祖父曆 安頭曆 乙曆

元正朝父石勝坐盜官漆。斷流刑。三子長十二。少七歲。詣官請為奴。以贖父罪。

阿爺觸王法。一朝趨海隅。無父何所怙。可憐三子孤。大者髮纒晞。小者吻尚濡。再拜扣北闕。爺非踞跼徒。積年厭貧苦。難完三子襦。所以私官物。爺過即兒辜。

力役贖吾爺請輸三子軀九重一破顏公卿皆嗟吁
父是脫重譴兒亦免官奴走來如黃犢不知覓梨無
贈右大臣藤公百川

孝謙帝崩公建議立光仁帝實天智帝裔孫
也其後抗言立山部王子緒嗣亦以直言顯

四家籍舊業貂蟬盈廟堂誰知華紱門又見出忠良
相公真秀出沉毅才難量割封護直臣定策立聖
皇公論議始愜皇胤永盛昌風雲際會日披瀝露琳
琅垂紳決大疑直氣撼玉牀力當排萬牛竟回日月
光誠操堅金石松柏爭老蒼乃子亦忠亮實抱鐵石

腸抗言論時事直節凌秋霜何事群兒愚橫是生否
滅顏將天河水為公洗污名

和氣公清麻呂

孝謙朝公以忠烈顯嘉永四年三月朝廷褒公
之忠贈官賜號護王神距公之薨實千餘年

堂堂和氣公實是萬夫雄天子感忠烈千載猶褒
崇憶昔垂簾日妖衲蠱聖衷朶頤九鼎重矯命宇
佐官公時奉使幣誓死報祖宗神州天地闢君
臣已不同聖主與神孫繼繼傳無窮妖腰兼亂
領須勞斬馬鋒此是神所救敷奏凜生風滿朝為失

忍盧云氣魄
沈摯清公佳
贊

色九重回。聖聰老狐膽已落。九天日再中。忠精貫
白日神意護。至忠烈風雜雨電。天公驅靈靈身出萬
死餘名垂百代中。狂猾骨已朽。僭竊事亦空。衣冠拜
冕旒。萬國咸朝宗。依然舊天地。於今仰鴻功。

阪將軍田村麻呂

桓武朝屢征蝦夷。每出有功東陸遂寧。
自古化外地。叛服本無常。耽耽磨牙齒。乘隙便披猖。
邊徼羽書急。聖主方憂傷。桓桓阪將軍。爭推膂力。
剽。雙眼如蒼隼。鬚髯挿金芒。登壇總元戎。薄伐及朔
方。朔風翻旗影。鐵衣帶寒光。萬騎聲肅肅。鉦鼓響鏜

鏜。白羽纜一揮。百萬心已強。犬羊先奪氣。脅息懷逃
亡。王師做多殺。本意遏寇攘。勁騎掃群虜。威同虜驅
羊。綏懷疑時雨。威令嚴秋霜。獻俘已奏捷。築城還撫
降。猛氣振朔北。威聲冠博桑。塞外侵方銷。海內弓長
藏。天子頻傾注。寵錫方贊襄。倉卒靖國難。指顧掃
欃槍。生為百萬將。死作閻羅王。於公固易事。何足以
表彰。烈氣結不散。風雷護帝鄉。栗野一堆土。還共皇
祚長。

藤原高房

淳和朝任美濃介。郡有陂渠堤防壞。決相傳有神。

不欲過水逆者死公脩之曰苟利於民死不恨
 渺渺千畝渠四時水瀲灩村村蒲魚足灌溉被鄉縣
 歲久堤防墮叢葦空葱蒨傳言渠有神不欲脩堤堰
 堤堰一脩葺主者有災譴是故前太守因循不敢繕
 磊磊藤使君真是邦家彥一身苟利民百死予不恨
 千鋪揮成雨万頃翠瀲灩境瘠與荒區一一得耕佃
 村犬無夜吠百里治化徧想知解綬日攀轅相留戀

橘氏

仁明朝父逸勢坐事遠流女徒步從之監吏叱之
 乃晝止夜行及父死號咷葬之廬於墓側

天門九重隔爺冤亦訴誰追蹤赴東州一朝不忍離
 夜聞豺狼嗥旦恐官奴嗤鬢絲亂紅顛無復鈿粉施
 遐陬遂色養百年擔不睽白日易偏照賤妾亦誰歸
 河水尚可竭妾淚無盡時山石亦可轉妾心長不移

衣縫金繼女

衣縫金繼少喪父泣血獨與母居邑有川人病涉
 母子買材造假橋積年不止仁明朝表門閭
 溶溶惠賀水如帶遶荒邑冬日水及臍行人苦利涉
 煢煢金繼女孤寡相倚立至性如阿香異行誰又及
 施財造徒扛歲歲勞脩葺行人皆歡忻不憂無舟楫

金閣薦冥福不補生人急箇是真菩薩後來誰承嚴

閑院藤公冬嗣

淳和朝任大臣置施藥勸學兩院養寒族教子弟
嘗建佛舍以祈福祚子良房良相皆賢子孫大興
閑院四朝老曾秉輔佐權條奏論化原調和見一
斑藥院養貧婁遠在范公前建學教子弟墳典要力
研有德必有後孫子實誥誥大兒與小兒褒然稱世
賢乃孫亦俊爽在勞輝史編忠蓋天所佑尊榮豈偶
然誰言一字力贏得孫子繁

紀夏井

文德朝為讚岐守政化大行任滿百姓詣闕乞留
吏民贈遺一無所受唯留紙筆母亡執喪三年
吾慕紀肥州卓犖廟堂姿弊履見天子不顧俗子
嗤眉目明如畫一見聖主知此是千里蹄空受鹽
車疲弊擢冠多士機務多補眊一麾守海邦夙夜勞
臣思拮据求人瘼响姬養老羸政平民皆舞令簡風
速移使君未來日闔境告朝飢使君臨此地千村有
餘貲我有荆與棘使君實伐之我有蟲與螾使君實
過之畏侔鬼神威恩同父母慈穎州借冠公二歲勞
卧治龐眉餞劉寵纔留一錢資菽水盡歡樂慰此堂

詩史雜言 卷之四
上慈勲勞如使君賞宜及宗支奈何為弟傲空棄醫
國醫

大辨藤公良繩

清和朝南年名江音人藤基經班皆在大辨下大
辨曰彼皆才賢吾不肖豈可居其上遂稱病
善男燒北闕還誣源大臣源光陷管相兼家失天親
營營何所為實由爭秉均温温藤大辨獨見古人純
南公與江老一時推偉人北家少將公亦是廊廟珍
願余斗筭器恥居三子先謝病深閉門避榮就下陳
謙挹無痕跡高義何嶙峋吁嗟澆薄世奔競爭要津

風灣云余夙
欽藤公之賢

今李卿以韻
語叙之愈有
深味

焉得如公者挽回風化淳吾詩雖不工請君書諸紳

昭宣公基經

公事 文德清和陽成光孝字多五朝任大政大
臣廢 陽成帝立 光孝帝藤氏攝關以公為始
皇家猶未衰華門見良宰秀氣貫斗牛局量吞河海
風度凝且遠雲岑聳秋旻夙負台衡重密勿仰經綸
調和致時雍廟略定禍亂任是如阿衡地實似周旦
精鑿懸冰鏡造次知真龍垂紳定大計舉止何從容
乾坤已變換不用大聲色人安如山嶽尤見公大德
却愛調梅暇往往注耽清吟高誦西山句三嘆有餘音

藤帥府保則

清和朝為備中介，風化大行民愛之。如父母，出羽之亂，攝政基經舉公命，以招討之任。

吾希藤帥府肅然，廊廟器固宜調鼎實。却勞百里治，易簡人無訟。訟庭生蒿蓬，和風扇百邑。惠露洽一邦，政成去府日。垂髻將戴白，爭先奉脫酒。填塞哀離席，東夷妨王化。猖獗亂邊陲，相公信知人。煩君勞一麾，孤軍趨馬穴。意氣一何烈，胸中藏萬甲。不用勞尺鐵，拊循推赤心。宣布王家恩，犬羊爭投戈。納款拜軍門，王師在安人。不戰制全勝，千里無遺寇。一州

咸平定，天威實致此。臣是有何勞，功盛身益下。位卑名愈高，勳庸畫麒麟。清風激懦頑，卓哉藤帥府。實為千古人。

平將軍貞盛

朱雀朝將門，反據下總勢甚猖獗。公父國香亦為所殺，公擊平之，以功任從五位下。

藤氏掌洪鈞，一家皆拖紳。才賢沈下寮，狗鼠滿郊閭。終使凶豎子，狂悖擬帝宸。將軍資忠純，棄官趨國艱。於臣則父仇，於法是不臣。老將諳兵機，鬪智不鬪人。潛蟄九地下，誰得窺機關。姦驕一開門，神兵下九

旻八州無立草一時咸風偃那知忠將孝一舉得雙
伸向若無將軍三細何緣振相門怯爵賞纔作五位
身

右府藤公實資

三條朝人爭附道長公獨不屈道長嘗病公注候
鬼憑人曰賢者來不可不避病即瘳呼曰賢右府
赫赫御堂公三世握大權吹噓變霜露榮枯由唇吻
鬼魔亦同物相倚轉纏綿堂公日勞悴鍼石亦無神
右府朝命駕聊問堂公瘡衆鬼忽奔逃不肯見真仙
扁倉何須問沉痾頃刻痊人間呼鬼魔動罵傾險人

鬼魔君休罵知避右府賢

孝僧

僧事母至孝其母嗜魚時白河帝嚴禁屠殺僧
不能羞母自往桂河捕魚為吏所執

已受桑門戒大倫固不顧雖云絕大倫良心何曾除
譬如地中泉觸機即發露舉世奉瞿曇慈悲是先務
藪澤禁羅網小惠祈福祚獨憐孝和尚擊鮮養老嫗
新鮮無由求之河為漁捕忽逢巡邏來誰何縲綫去
僧言吾有母朝夕待吾哺無魚空對案竟日不下箸
無魚即無母是故犯王度嗟此兩頰尾縱放豈能啣

顏以此頰尾贈母，侑菜茹。此顏苟得，遂甘心就刀鋸。言辭一何切，淚與言共注。彼已絕倫理，不免嬰兒慕。人本非木石，誰能無愛惡。佛亦人而已，何事說頓悟。

伊豫守源賴義

後冷泉朝，賴時反。公受命將兵，攻河崎柵。會雨雪，官軍大敗。已而大舉殲之。

胡雖負兵力，狂妄懷輕蔑。將軍赫震怒，奉詔問驕魁。愁雲慘不開，藪藪降朔雪。旌旗凍如繩，鐵馬蹄欲裂。劔氣攢胡霜，白草塗碧血。回顧問傷夷，壯士爭效節。利鈍本常事，殘類安得活。再駕整萬騎，一舉夷巢穴。

窮寇來送死，跳踉氣咆嘯。將軍揮白旄，陣勢學蛇擊。呼聲撼天地，虜軍咸奔軼。緩轡勞將士，一笑撫素髮。輕騎合重圍，天意殄妖孽。暴風供驅使，虜巢付一蕪。空餘亡國妖，金翠粉黛抹。將軍不一顧，惟思將士烈。辛苦何所得，空憐鬢絲涅。公破厨川柵中美女數十人，盡分賜將士。

安倍則任妻

源豫州討貞任，貞任弟則任妻見軍破，曰：夫子將不免，妾義不獨生。請先於君，乃抱兒投淵死。

昨日失一壘，今日陷一壁。大公已隕命，纔保厨川柵。東軍旌旆揚，北軍日窘迫。願念妾所天，性命在旦夕。

又憐掌中珠，念念不能息。中夜起彷徨，泣下沾妾臆。
妾寧先君死，不忍見君危。抱兒投深潭，冰操凌秋碧。
至今厨川水，潺潺鳴淒咽。

江帥匡房

堀河朝為太宰帥，其家以文學著者八世。嘗云：
我家文章當關，朝家盛衰八幡公亦後受兵法。
江家八世業權帥，推太宗盛年見標格。一時振文風，
曾言我家學當關。朝汗隆書樓三萬軸，何須憂祝
融。兒子真豚犬，我家文章窮別有金針在。付與一代
雄。

鎮西八郎為朝

為義第八子，驍勇善射。保元之亂，流於大嶋，終領
大嶋。嘗至琉球，子孫王焉。諸島至今立祠祭之。
八郎真男兒，威猛冠今昔。意氣凌虹霓，弓聲飛霹靂。
天地昔橫潰，烟塵暗。王國數騎當方面，堅膝千仞，
壁笑拈兩隻箭。萬人皆辟易，左府實憤憤。何怪致顛
踣，闔家耐酸鼻。孤身幸遠謫，咄此島嶼地。割據我所
擇，一劍唾手起。絕域初霸迹，誰知千載後。威稜猶赫
赫，纔呼八郎名。已驅厲鬼厄，不恠島嶼間。至今奉廟

氏間至今注往書八郎
名貼門以驅疫鬼云

中納言平知盛

壇浦之役，西軍不利，宮女泣問狀，知盛笑曰：事固當如此，今復何言？乃自掃除舟中，自刃而死。

相國本多福，生子亦麒麟，前有小松公，後有中納言，臭味雖不均，要是百世人，英雄有逆遭，安可成敗論，堪憐掃蕩志，至死猶不伸，四面皆楚歌，笑掃御舟塵，能登守平教經。

清盛之弟教盛之子驍果善射，壽永之亂，數戰有功，殆得源判官，事不成，投海而死。

月下弄長笛，花底耽歌詞，風流貴公子，爭敵東男兒。

一箭未相送，膽落豆島顰，唯有一能州人，推忠勇，姿驅使摧衄餘，欲抗源家師，大厦方將倒，獨力何可支，羿射還無神，空殪九郎，斯奮鬪入敵艦，宿志亦參差，命窮知奈何，兩度逸牛兒。

清原賴業

賴業諳朝儀典故，朝廷每有咨議，引證古今，辨析精覈，嘗讀禮記表出中庸，據經為解。

皇家全盛日，西邦使聘通，絺藻艷如春，爭鳴皇家，隆落落清夫子，後進錄奇功，學術究淵源，一洗李家，風道德高一世，鬱為此道宗，卓哉惺窩翁，千歲繼芳。

蹤

袈裟

袈裟源渡妻也，遠藤盛遠見而悅之，欲劫其母，奪之，袈裟給盛遠代其夫而死。

亭亭山上松，蒼蒼長欣榮。婉孌源家婦，紅顏如薜英。顧盼宛生姿，相逢魂暗驚。妄人起狂想，橫逆誰敢撓。欲絕彼妄念，妾母萬無生。若狗狂夫欲，何顏見卿卿。妾心無所極，搖搖如懸旌。與生辱其身，何若死守貞。好言誂夫子，孤衾眠東楹。更闌衆星沒，河漢亦西傾。陰風起庭樹，撼撼動窓櫺。此身已許君，視死甘如飴。

雙淚獨何事，連連下不停。惻惻復惻惻，誰知此時情。玉碎光不滅，蘭死香逾清。自古誰無死，一死鴻毛輕。芳魂長不散，至今有餘馨。

杵淵小源太 小官山內膳

重光主富部氏與義仲戰為西七郎，斬時重光以讒廢，追至戰所，其主已死，乃馳敵陣，斬七郎，奮戰死。內膳事武田氏，以譖廢，勝賴天目山之敗，遂從死之。東照公錄其後。

良田嘉禾秀，稂莠何驕驕。佳卉生幽庭，秋氣轉寥條。質直如由也，猶招伯寮愬。大聖如宣父，不免子西妬。

是故猶介徒抱石或沉河予憐二壯士懷忠亦坎軻
蒼蠅蔽天飛中心誰能察二主早悔悟何曾有蹉跎
堪憐傾覆日始得展異才看彼宵小輩究竟何所為
主亡獨博名二子豈為屑後來有國者莫循二主轍
上總五郎忠光

平氏亡嵌魚鱗於眼為眇挾匕首廁役徒伺賴朝
事覺忠光奮曰我上總五郎也欲報主仇耳

平宗殲西海九族無子遺孤臣憤所切長絕興復期
懷裏利匕首聊擬仇人顛炭漆壞形體畚築雜賤廝
唯恐眼炯炯或來敵人猜魚鱗亂巖電用意何深微

忍盧云風骨
峻增却無擴
態

鬼武天所啓空學博浪椎我是平氏臣來報舊君知
慷慨事不就壯辭動兩儀浩氣磨不盡長看貫斗箕

平氏遺臣

平氏走西海平信兼與平家繼舉兵嚴伊賀守護
破之既而軍敗家繼死信兼後再舉兵不成亦死
左中太常澄長狹六郎士也六郎為平氏謀賴朝
為所殺常澄狙擊賴朝不就亦所殺平氏亡後平
景清平盛嗣潛匿糾集後皆為賴朝所禽斬

平家奔蕩日壯士爭致軀海島漂泊餘猶見出烈夫
信兼與家繼糾集據一隅常澄簡其髻忠憤懷湛盧

梭園云源家骨肉相賊平氏則一門雍睦其下視而效之所以異也

忍盧云侍來况概瑾珊之姿

景清兼盛嗣起滅展壯苗天地有綱常實由數子扶君者左典既曾蓄十州租當其推衄時果有壯士無麾下有名者甘為平家奴視之平氏臣狗鼠食其餘

西行

義清

原姓藤

勇敢善射為

鳥羽帝北面不喜榮利

後遂為僧嘯咏自適賴朝嘗要之問韜略云

西行鸞鶴性難羈冲霄翰非無濟時策奈此官情間飄然謝世網去作雲泉身鶯花為吾廬風月是紫關拈來芙蓉吟高潔如其人源公內多欲何知高潔人銀猫聊相贈徒作常人看

中納言藤公長方

長方剛毅敢言清盛遷都福原長方獨極言其非旁人為懼清盛終從其言

迢迢九街路康莊平如砥鬱鬱南山樹直幹千尺峙八條納言公沉毅抱剛腸直節絕荆棘勁氣凌風霜相國握大阿暴戾如鬼蜮維公傾危際謹議折相國相國殊歛衽不似前日狂苟人為股栗公意獨軒昂我豈觸庸口本知悔心起抗言投其機譬如禹行水攘羊子證父宣父或為非伯宗居亂國其妻夙見幾吁嗟質直人愆尤何可免善哉納言語三復意繾繾

讀史雜咏卷上終

田中可子藏
美弟俊吉讓

H. Kaneko suri

